



REDDE QVOD DEBES!

Hoc est

TESSERA,

qua

Summus Imperator

*Ex hac Mundi statione,*

*avocavit*

Vigilem Seculi Militem,

Virum,

*Magnificum, Nobilissimum, Amplissimum*

*ac Consultissimum.*

DOMINUM

CHRISTOPHO.

RUM RICHTERUM,

Ictum Famigerabilem, Consi-

liarium Pomeraniæ Provincialis Celeberri-

um, Consulem Reipubl. Sedinensis

longe Gravissimum

dolente Fata.

C. G.

---

STETINI,

Typis DANIELIS STARCKII, Reg. Gymn. CAROLINI Typ.

## DEFUNCTUS.



*V*eni, sed planctu, plorans *Puer* hor-  
reo Mundum :  
Et mihi quid lacrymæ? deperi-  
tura docent.  
*Vidi*, sed *Juvenis* Mundum, dum  
Regna pererro;  
Atq; coronatum, proh dolor! *Omne Nihil*  
*Vici* *Decrepitus* Mundum. *Sudore rigare*  
Has Mundi Palmas: Hoc opus, hic labor est.  
Jam calco Laurum, nec cingant tempora *Olivæ*,  
Quæ modo marcescunt: non peritura peto.  
Quærant in Mundo Mundum, quis *Terminus*?  
Omnes  
Cancrinum retrò sic didicere gradum.  
*Plus citrà* fugiens, æger præopto *Plus Ultrà*:  
Attingo metam. *Summus* ad *Astra* vocat.  
*Anxius* inveni, *Calum post omnia*. *Mundus*  
Hic *Labyrinthus* erat, dum *Labor* intus erat.  
*Salve* optata quies, surgit post nubila *Phœbus*.  
Sic Mundum sperno; pessima *Terra Vale*,  
Nam post tot vices, post tot discrimina rerum,  
Quid mihi *Terra* dedit?

FAMA.



## F A M A.

- - - - - Quod Tibi Fama dabit.

Ah fileo! Virtus laudat, quod Buccina nequit.

*RICHTER* laudes virtus ubiq; canit.

Inservit cunctis, terræ servire negabat,

Officit officio Christophorusq; sibi

Blanditias odit, Judex fuit omnibus æquus

*RICHTERUS NOSTER*: nec gravitate gravis

Non-ambire-nihil, Laus Est. Mutantur Honores:

Hunc ambivit Honos, ambiit Hicce Nihil.

Mox informavit Nostri Prudentia Juris

Multos: Ast tandem dat nova Jura *DEUS*.

Convictus, mortisq; reus *RICHTERUS* in Orbe

Vitam, Robur, Opes, Omnia, Fiscus habet.

Manfit post anima fateor mitissima pœna,

Exilium Cœlum; quo relegata fuit.

Jam cecidit civis consul, Pater atq; Patronus.

Lugeat Urbs obitum, *magna Calumna* fuit.

Omnes invito. Procul hinc, procul este maligni!

*CHRISTOPHORUS RICHTER* jam tumulan-  
dus erit.

Suspice jam præsens Ætas, At suspice Manes.

Respice Posteritas. Quid dolor & lacrymæ?

DEFUN.

## DEFUNCTI FAMILIA.

O dolor! o lacrymæ! cecidit. - - - -

Deficio, pereo! ni juvet ipse *DEUS*.

Hic Pater ah cecidit! nostræ spes unica vitæ.

Et capite amisso, cætera membra cadunt.

Hic Avus Heu periit! qui nobis Anchora fixa:

Depereunt omnes: Anchora fracta jacet.

Hic obiit Proavus! Tempestas ingruit Urbis

Protector moritur, proh! Clypeusq: mene.

Inde Parens, Avus & Proavus, consul eadit Urbis.

Omnes, quod mirum, condidit urna simul.

Symbola sint aliis: Dictum Richterus amavit:

Immoriar curis, invigilabo bonis.


## EPITAPHIUM.

*Sola beat virtus. Tumulum non quære viator.*

*Occumbens Pietas hic tumultatur. Abi.*

## F A M A.

- - - - - Sic itur ad Astra.







1002349 Bibliotheca 500,-  
P.P. Camaldulensium in Bielany

Depozyt w Bibliotece Jagiellońskiej



10230

X. v. 28

